

Nunatta Qitornai

Inatsisartuni



03.april 2019

UPA2019/52

Landskarsimit tapiiffigineqartartussamik nammieq piumassuseq tunngavigalugu suliffisaaleqilernissamut sillimmasiisarfimmik pilersitsisinnaanermut atatillugu inuiaqatigiinnut sulisartunullu aningaasatigut iluaqtissartai akorngutaalu pillugit misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi ilannguneqassapput periuseq ataatsikkut sullivinnut tamanut atuuttoq kiisalu periuseq sullivinnut assi-giinngitsunik suliaqartunut ataasiakkaanut atuuttussaq ilaatillugu kattuffit pineqartumut isumaat. Misissuinerup inernerter Inatsisartunut ilaasortanut agguaanneqassaaq kingusinnerpaamik UKA2020-mi.

(Inatsisartunut ilaasortaq Aleqa Hammond, Nunatta Qitornai)

Ullutsinni nalaattaqaarput piffinni amerlasuuni suliffissuaq aalisakkerivik allaluunniit suliffigineqartoq matutilugu sulisuuusut angerlartiinnarneqartarnerat. Ilaqtariittut, pilersuisusut, sulisartutut allatigullu ernumanartumik atugassaqalersitsisartumik. Ernumanassaqaaq sulisuulluni ilumut ukioq naallugu suliffeqaannassanerluni nalullugu, juullilernerani isertitaqassanerlutik nalullugu imaluunniit ilaqtariittut pisortat ikorsiissutaannut innersuunneqarniaannarnerluni. Pissutsit taama ittut qaangerniarlugit iliuutsit amerlasuusariaqarput, soorlu sillimaniarnikkut, aningaasaqarnikkut, ikorsiissutikkut, pilersaarutikkut aammalu susassaqartut akimorlugit suliniarnermi.

Siunnersuuteqatup tunngavilersuutai pitsaasutut nalilerpavut aammalu misissorneqarnissaanut siunerfeqarneq tapersernaqaaq. Isuma nutajunngilaq, qanga maani inatsisartuni siunnersuut qaqilerneqartarnikuuvooq ullanli manna tikillugu tamakkiisumik tunuliaqtserneqarsimanani.

Imminut pilersortuuneq annerusoq inuiattut anguniartuartariaqarparput, aamma suliffissaarunnerup nalaani uani immikkut isigalugu nammieq piumassuserinngisamik suliffissaarunnermi.

Kalaallit Nunaanni Naatsorsueqqissaartarfiup kisitsisaatai naapertorlugit 2017-imi suliffimmiit angerlartinneqarnermik tunngaveqartumik inuit suliffeerunnermi ikorsiisstuumik pisartagaqartinneqartut 665-nik amerlassuseqarsimapput. Tassa isumarpot naapertorlugu inoqqortussuserput naapertorlugu aammalu aningaasaqassuserput naapertorlugu amerlasoorujussuupput.

Siunnersuuteqatup tunngavilersuutai iluatinnartoqqaat aammalu nuannaarutigaarput naalakkersuisut naaperiuteqarmata tamannalu ataasimiitialiami sulilluarnissamik tunngaveqartoq takusinnaavarput tassungalu ingerlateqqipparput.